

Der Schichtmaister Eyd.

Ich. N. schwere / das ich wil meinem Gnedigen
en Herrn Hertzog Georgen / getraw vnd gewertig
sein / seiner Fürstlichen gnaden vnd gemeins bergk
wercks bestes treulich fürdern / schaden warnen vñ
abwenden / vnd meinem Ampt / so mir bevolhen ist
vñ sonderlich meinen Bergwerken / treulich vorstehen.
alles / damit ich iren nutz mit recht steigen vñ erzeu
gen mag / auff's höchste vleissigen / Keinerley thun
oder vorhengen das meinen Bergwerken zuschaden
oder nachteil reichē mag / mich allenthalbē meins
Gnedigen Herrn Ordnung vnuerbrüchlich halten
wue ich die vbergangen befinde / warnen vnd ansa
gen / keins genies oder nutz / dann so mir in meins
Gnedigen Herrn Ordnung zugelassen ist / in dem
allen gewartē / mich wider diß alles kein nutz / gabe
gunst / freuntschafft odder veindtschafft / bewegen
lassen / Sonder wil solchs alles nach meinem höch
sten vermögen halten / alles treulich vnd vngewer
lich / als mir Gott helff vnd alle seine heyligen.

Gleichmessigen Eyd sollen die Steiger thun.

Der Huttenreutter Eyd.

Ich. N. schwere / das ich wil meinem Gnedig
en Herrn Hertzog Georgen / getraw vnd gewertig
sein. Seiner Fürstlichen gnaden vñ gemeins bergk
wercks nutz vnd bestes fürdern / Schaden warn
nen / vnd abwenden / Meinem Ampt treulich vnd
D 4 vleissig